



SIARAN AKHBAR

S.A. 2020/01/09 (HQ)

PANDUAN TNB SEBELUM PULANG BERAYA

Dalam kegembiraan menyambut Tahun Baru Cina, beberapa panduan keselamatan elektrik yang praktikal dan bijak tenaga berikut boleh diamalkan pengguna sebelum pulang ke kampung halaman.

Bagi memastikan peralatan elektrik dan kediaman ditinggalkan dalam keadaan selamat serta menjimat tenaga, Tenaga Nasional Berhad (TNB) ingin berkongsi beberapa panduan berikut:

1. Tutup suis peralatan elektrik yang tidak digunakan dan tanggalkan palam bagi mengelakkan arus terus mengalir;
2. Pastikan semua soket berada dalam keadaan baik dan tidak dibebankan dengan penyesuai (*adapter*) dan kabel penyambung (*extension cable*);
3. Buka gulungan kabel penyambung ketika digunakan bagi mengelakkan ia menjadi terlalu panas dan terbakar;
4. Gunakan alat pengukur masa (*timer*) sekiranya ingin memasang lampu bagi tujuan keselamatan agar ia tidak menyala 24 jam;
5. Periksa peralatan elektrik yang ingin digunakan bagi memastikan ia berada dalam keadaan baik dan berfungsi dengan lancar;

Untuk kediaman yang akan menjadi tumpuan keluarga berkumpul, pengguna dinasihatkan untuk tidak menggunakan soket elektrik secara berlebihan bagi mengelakkan beban elektrik keterlaluan.

Pengguna dinasihatkan menghubungi TNB CareLine di talian 15454 atau Facebook TNB CareLine untuk mendapatkan bantuan sekiranya berlaku gangguan bekalan elektrik pada cuti Tahun Baru Cina nanti.

Dikeluarkan di Kuala Lumpur pada 22 Januari 2020, jam 3:00 petang

*Untuk pertanyaan lanjut media, sila hubungi Fitri Majid di talian 013-3626923 /
Grace Tan di talian 016-6626229 / Nasir Aziz di talian 018-9434524
atau emel ke media@tnb.com.my*